



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

V. An Deus cognoscat omnia futura contingentia, tum absoluta, tum
absoluta, tum conditionata.

[urn:nbn:de:hbz:466:1-72856](#)

futurorum, non esse simul, sed successiuè in tota æternitate existere, ut semper aliquid restet accipientium sive addendum. Quod suo modo etiam superius quæstione quarta, de partibus continui dictum. Nec valet argumentatio à modo cognitionis, ad modum obiecti cogniti, ut præced. assert. diximus. Licet ergo Deus simul quidem & actu cognoscatur eiusmodi infinita; hæc tamen non ideo sunt infinita actus, sed in potentia: et si recte dici possit infinitum in potentia actu esse, vt etiam sensit Aristoteles loco citato, nimirum suo modo & successiuè ex quo tam minimè sequitur, esse infinitum actu,

Dices. Deus distinctè cognoscit eiusmodi infinita: Ergo sunt actu distincta in mente diuina; ergo actu multa in eadem mente: & tamen non sunt actu multa finitè, seu numero finito: Ergo sunt in mente diuina multa actu, multitudine seu numero infinito: Ergo Deus cognoscit multitudinem infinitam actu. Respondeatur. Negando ultimam consequentiam; quia procedit ab esse obiectu rei, ad esse subiectuum & reale, ex eo enim quod infinita terminant actu diuinam scientiam, infertur, ea simpliciter & absolute esse actu infinita: cum tamen infinitum actu non dicatur ab existentia obiectu rei cognitæ: sed ab existentia reali & subiectua eiusdem parte rei existentis; quæ vti dictum, per diuinam cognitionem minimè immutatur. Plura de hac recit. quest. 4. dub. 2.

Quæritur denique hoc loco, an per hoc quod entia possibilia diuinam scientiam terminant, intelligantur habere aliquod esse actuale extra intellectum. Et refertur Scotus 1. d. 36. quest. 1. sensisse, Deum intelligendo creaturas, produxisse eas ab æterno, in quodam esse intelligibili obiectu, quod esse diminutum vocat. Quod etiam defendunt cæteri Scotisti, Malafossius, & Bargius in 1. d. 35. & sequitur Waldensis tom. 1. l. 1. art. 1. cap. 1. 2. & 3. Quod ita referunt & refellunt Gabriel in 1. d. 35. quest. 1. a. 3. Caietanus quest. 15. a. 1. Gregorius de Valentia q. 15. p. 2. alijque Thomistæ recentiores, quasi Scotus de esse quodam actuall locutus sit, quod habeant res extra intellectum; eaque de causa emetiam sententiam leuerius centent. Sed hac de esto.

111. **Affirmatio VII.** Creaturæ ab æterno cognitæ à Deo, per hoc præcisè, quod ita cognoscuntur, nullum habent extra Deum esse reale, immo nec ullum verum esse actuale extra Deum; sed solum esse possibile, cum esse obiectu in intellectu diuino, seu denominazione extrinseca obiecti cogniti. Ita cum S. Thoma q. 14. art. 9. Thomistæ omnes, alijque citati. Item Molina hic q. 14. a. 5. & 6. Suarezlib. 3. c. 2. n. 18. & Metaphys. d. 31. sec. 2. Vasquez disp. 70. capit secund. & disp. 114. num. 4. ex communi & certa. Rat io est: tum quia alias res omnes creatæ secundum esse suum proprium & formale, existent ab æterno extra Deum; quod non est consonum fidei. Tum quia vniuersim intellectio rei por se nullum dat reicognitæ esse reale, vel actuale extra intellectum. Neque vero Scotus licet obscure locutus, contrarium re ipsa sensit, ut recte Molina & Vasquez loco citato.

Sed obiecti tamen pro opposita sententia potest, quod alias entia possibilia non videantur dici posse effectus Dei, qui vt tales in Deo velut causa cognosc-

scantur. Respondetur, negando sequelam. Quia nichilomin⁹ eti⁹ non sint effect⁹ actuales, sunt tamē possibles: non quidem quod ipsum esse possibile, quocunque modo sumptum, præcisè & in se sit per modum effectus posterioris quidam potentia diuina, ut dicetur q. 11. & fus Vasquez d. 204. Sed quia certè hoc ipso, quod à sua possibilitate extrahi quodammodo, & in actu reduci possunt à Deo, accipiendo ab eodem actualem existentiam, recte dicuntur effectus possibles Dei.

D V B I V M V.

An Deus cognoscat omnia futura contingentia, tum absoluta, tum conditionata.

S. Thomas 1. p. q. 14. a. 9. & 13.

Nilla peculiaris instituitur quæstio apud Theologos, an Deus cognoscat ea, quæ necessario futura sunt. Cūenim quæ talia sunt, habeant suas causas existentes necessarias, quas Deus intimè nouit, ut dictum dub. præced. nullum relinquitur dubium, quin etiam Deus omnia, iuxta suum quem habent modū necessitatis (ex suppositione scil. causarum necessiarum; siquidem ab ipso Deo, vel aliunde non impediantur) certissimè ac ab æterno præcognoscatur. Quæstio igitur solum est, de futuris contingentibus, non quidem cognitis tunc solum, quando existunt in aliquo tempore, vel duratione, eternitatì quandoque coexistenti; de his enim sub hac consideratione actu est dub. præced. sed de futuris qua futuris; intellige, non solum respectu præsentis temporis, sed indefinite respectu aliquius durationis coexistentis æternitati, qua Deus rerum omnium creatarum existentiam antecessit. Ea vero duplicitis sunt generis. Quædam enim eti⁹ sunt à causis secundis naturalibus, & secundum se determinatis ad hoc vel illud agendum, ita tamen sunt, vt quoad suum effectum impediti possint ab alijs causis secundis itidem necessariis; vt sunt futura pluviae, ac tempestates, prouentus annonæ, generationesq; animalculorum, supposita hac vel illa cœli constillatione; quæ ex varia aëris, aquæ, terra, &c. dispositione impediti possunt. Et de his itidem non est propriè difficultas: cū enim Deus totam complexionem causarum naturalium penitus habeat perspectam, scit vtique omnia etiam effecta, quæ & quatenus ab illis, tanquam naturalibus ac necessario agentibus (si nimirum à causa libera non impediantur) producentur. Alia vero contingentia vt sic sunt ac pendent à causis secundis liberis, quæ maximè propriè & per se contingit dicuntur, & de his potissimum in presenti est quæstio.

Hæc autem futura contingentia rursum, aut sunt absolute aliquando ac re ipsa futura; alia vero re ipsa non quam sunt futura, sed futura solum essent, aut fuissent, (respectu antecedentis æternitatis) si certa quædam poseretur, aut posita fuisset conditio, nūquam tamen re ipsa posita vel ponenda; quæ propterea etiam vocantur futura contingentia conditionata. Vbi inter Theologos celebris est controversia, an Deus ab eterno certa & infallibili notitia præcicerit, quid quilibet creatura rationalis & libera fuisset actura, si haec vel illæ conditiones fuissent posite; v.g. an si alius homo, vt Petrus vel Paulus, cum his vel illis circum-

stantijs pro Adamo creatus, ac in paradiſo fuisset constitutus, peccaturus fuisset. An si Christus Iude loculos non commisſisset, nihilominus ab eo fuisset proditus. Et similia infinita.

Neq; sermo, aut quæſio eſt de illis propositionibus conditionatis, in quibus conditio poſta, abſoluta necessitate ſecū trahit prædicatum, ita ut prædicatum neceſſario abſolute ac ſimpliciter connexum fit cum poſta conditione, ut videre eſt in his exemplis; ſi Deus eſſicaciter voluſet creare aliud mun- dum, creareſet illum; ſi Iudas fuisset prædestinatus, fu- iſſet ſaluatoris; ſi Deus voluſet eſſicaciter Adamum præſeruare à peccato, aut ſi dediſſet Adamo gratiam congrua ad peccata deuitanda, Adamus non pec- callefet, &c. Sed quæſio ſolum eſt de illis propositio- nibus conditionatis, in quibus iſpum futurum con- ditionatum, quod prædicatur, per ſe non neceſſariò connexum eſt cum conditione poſta, ſed ad eam ni- hilominus contingenter ſe habet; ita ut illa etiam poſta, poſſit adhuc eſſe, vel non eſſe futurum, ut in ſupradictis alijs exemplis videre eſt. Eademq; ratio eſt contingentium eorum, que abſolute futura ſunt, ſi präcice conſiderentur viſtūra ſub conditione, ante omne decretū abſolutū Dei, vii inferioris dicetur.

Quæ controuerſia quidem nunc recens eſt inter Scholasticos, & ab antiquis ex iſtituto nisquam pertractata, magnum tamen habet momentum ad multa explicanda, que ſpectant ad materiam de gra- tia, & prædestinatione. De qua re tres feruntur Do- citorum ſententia. Prima eſt, quæ abſolute in Deo negat talem ſcientiam. Contra quos diſerit Molina i. p. q. 14. a. 13. diſput. 18. Secunda eſt, Deum co- gnoscere quidem eiulſimodī contingentia, ſed ſolum probabilit̄, & velut per coniecituram; ad eum mo- dum, (ſertata proportione) quo etiam illa à nobis cognoscuntur. Hanc inſinuante Catharinus opuſc. de prædeſt. part. 2. & Iansenius cap. 47. Concord. trahant illud, ſi in Tyro & Sydone, & aperte antehac tradiderunt aliqui recentiores Thomistæ, contra- quos diſerunt Molina loc. cit. Suarez opuſc. de ſci- entia Dei. 2. c. 1. & Vasquez iſtra. Alterutrum etiam neceſſariò ſequi debentilli, qui docent, vnicam eſe Deo, rationem cognoscendi certo futura contingentia, präſentiam corundem realiæ in aeterni- tate, qualem contingentia hæc conditionata nis- quam habent.

Tertia ſententia eſt, Deum certo & infallibiliter ac ab aeterno cognoscere eiulſimodī contingentia fu- tura. Ita fuſe ac ex iſtituto, atq; ante cæteros do- cuit Molina loc. cit. ac paſſim in ſua concord. Idem docent Bellarminus tom. 4. cont. 2. de amil. grat. l. 2. cap. 17. Gregorius de Valencia hic q. 14. punc. 5. §. 2. Pererius tom. 2. in Genes. l. 15. diſp. 7. Sta- pletonus in Antidoto ſuper c. 9. in epift. ad Rom. an- not. 2. Maſcarenas l. de auxilijs d. 2. p. 4. num. 27. & 28. & diſp. 3. part. 4. num. 8. Vasquez hic diſp. 67. Albertinus tom. 1. princip. 4. q. 4. coroll. 3. Suarez cit. opuſc. 2. lib. 2. per totum: qui etiam cap. 3. ci- citat Driedonem de concord. grat. & lib. arbit. 1. p. c. 4. ad 3. Ruadum art. 7. Waldensem tom. 1. do- cetrin. c. 23. non obſcure hanc tradentes ſententiam. Et addit Suarez: Scriptores etiam in 1. part. S. Thomæ frequentius ſequuntur hanc ſententiam; & quidem con- variā parum tuſam; alij errorem ſere appellant. Deni-

que Doctores ferunt omnes Theologi huius temporis, quoſ ego in Italia & Hispania conſuluis, huic ſententia adhærent. Ita ipſe, Sed & Maſcarenas loc. cit. ait, eam effeſſeſ- ſariam, ad percipiendam concordiam gratia cum libero arbitrio; ad conciliandam inter ſe Patrum dicta; ad intelligendam diſtincionem gratia in ſufficientem & eſſi- cem; ad demonſtrandam infallibilitatem diuinae prædeſti- nationis. Denique Franciſcus Zumel etiſi de hac re lubrice & obſcure locutus ſit in 1. p. q. 14. a. 1. diſp. vn. tamen inferioris art. 13. diſp. 8. afferit. 1. eam ſen- tentiam videtur defendere, cum ait; Non eſt tutum negare infallibilitatem, & certam cognitionem ilorum contingentium conditionatorum in Deo. Similia habeat in diſputationibus varijs in 1. p. de futuris contin- gentibus diſp. 5.

Differunt tamen hi auſtores inter ſe dupliſciter. Primo quidem nomine tenus, ac in vocibus: qua ratione nimirum ea ſcientia in Deo ſit nominanda. Quidam enīm vocant naturalem; quia präcedit omne decretum liberum diuina voluntatis, ſaltem abſolutum. Ita olim à ſe appellatam notat Molina hic loc. cit. diſp. 18. memb. 2. Quo ſpeciant etiam illi, qui eam vocant ſcientiam ſimplicis intelligentia, ob ean- dem cauſam, & quia eſt de rebus actu nūquā exi- ſtentibus; in quibus ſunt Gregorius de Valencia, Al- bertinus, Vasquez locis citatis. Alij eandem vocant ſcientiam liberam ac viſionis; in quibus eſt Suarez cit. lib. 2. cap. 3. Qui a non eſt rei poffibilis, ut ſic, ſed eſt exi- ſtentis ſub conditione; & tametsi ex ſuo genere ſit neceſſario in Deo, prout tamen verſatur circa hoc, vel illud obiectum particulae, potuit abſolute non eſſe in Deo; ſi nimirum liberū arbitrium, uti pro ſua libertate poterat, etiam ſuppoſita hac vel illa condi- tione, hoc vel illud, de quo ſermo eſt, non eſſet fa- turum, &c. Alij eam ſcientiam vocant medianam; ni- mirum inter ſcientiam viſionis & ſimplicis intelligentia, ſive inter ſcientiam naturalē & liberam. Ita Molina, Maſcarenas, ac plerique recentiores, qui hanc ſcientiam tueruntur.

Secundo diſcrepant auſtores citati inter ſe re- ipsa; quāmuis enim in hoc omnes conſentiant, Deum infallibiliter ſcire eiulſimodī futura contingentia quando conditio eſt cauſalis; diſſentiant tamen de alijs. Quidam enim docent, id ſolummodo verum, eſſe, quando conditio eſt cauſalis. Ita Vasquez loco citato. Alij quando eſt, vel cauſalis, vel conditionalis prärequisita: in quibus Albertinus loc. cit. punc. 3. Alij denique etiam quando eſt plane diſparata; mo- do contingens ſit rei pofca cum ipſa connexum; uti ſi Petrus peccabit, Ioannes penebit. Aut ſi Romæ hodie plueret, Jacobus Ingolſtadij diſputaret. Ita Suarez loco citato, capite ſexto num. 4.

Adhas vero tres ſententias haec tenus comme- moratas, & ab alijs etiā refferti ſolitas, addi potest, qua- ta ſententia Didaci Aluarez libro ſecondo de auxilijs diſput. 7. qui cum afferentes ſcientia huius repre- hendifſerit, quaſi nec verum quæſtionis ſtatum con- ſtituiffent; nec quæſtiones diuerſas ſatis diſtin- xiſſent; nouum ipſe quæſtionis ſtatum conſtituit; quaſi nimirum de hoc ſolum quæſtio ſit & contro- verſia; Vtrum Deus ante omne decretum ſuę volun- tatis prædeterminantis conſenſum Petri absolute, fu- turū, velex hypotheti, quod conſtitueretur in tali- bus circumſtantij, certo ſciat in particulari, an Petrus

sit consensurus polita illa conditione, an potius disconsensurus, &c.

Ad quam questionem respondet ipse negatiuè; nimirum eiusmodi futura conditionata non cadere sub scientiam, ut futura aliquo modo, nec vt sic esse scibilia infallibiliter etiam à Deo; sed solum cognosci ut possibilia fieri: post diuinum autem decretum, saltem conditionatum, eti quidem concedat inferius in solutionibus argumentorum, futura quadam eiusmodi conditionata cognosci à Deo; per scientiam liberam; vt quædam exempla Scripturæ inferius resenda probant; non tamen satis declarat, quid yniuersum sentiendum sit, an videlicet de omnibus eiusmodi futuriis conditionatis, sub quacunque conditione presupposita, habeat Deus decretum liberum, quo apud se statuerit, quid supposita quacunque eiusmodi conditione vellet fieri, aut permittere; ita vt proinde absolute loquendo, Deus saltem post decretum suum conditionatum, omnia eiusmodi futura contingentia, non solum vt possibilia, sed etiam vt futura infallibiliter cognoscatur. Refert tamen Vasquez citata disputatione sexagesima septima, numero vigesimo, quosdam recentiores ita sentientes; Deum sub conditione etiam apud se decreuisse omnia; & ex hoc decreto à Deo cognosci omnia futura sub conditione, secundum infinitas caularum combinationes, iuxta quas omnia apud se statuit, qua facturus esset: in qua sententia etiam videtur esse Zumel in disputationibus varijs in primam partem, dub. 5. conc. 5. quod tamen iuidem refutat Vasquez loco citato, & disputatione 8o.

⁸ Fundamentum autem proprium huius sententiae est; quia existimat, sine prævio decreto, quo Deus apud se antecedenter ad omnem determinationem liberam causæ secundæ, statuerit ac prædefinierit, quid fieri ac permittere ipse velit, nihil posse fieri. *Vnde nos inquit Aluarce, negantes scientiam medianam, & illam impugnantes, non negamus in Deo esse scientiam futurorum conditionatorum, sed eorum tantummodo, qua cumculo modo futura sint, etiam ex hypothesi, afferuntur esse futura conditionata.*

Cæterum, quod ad statum huius questionis attinet, non existimo assertores huius scientiæ esse reprehendendos; nec arbitror eum recte ab hoc auctore explicatum; cum ipse potius diuersas questiones inter se confundat. Hæc enim sunt inter se distinctæ; primum, an Deus eiusmodi futura conditionata infallibiliter quocunque deum modo & medio, & in quocunque rationis signo cognoscatur; alterum, quandonam, seu in quo signo rationis, quoquo modo vel medio Deus illa cognoscatur. Quo spectat illud, quod ab hoc auctore propositum est, an Deus eiusmodi contingentia futura cognoscatur omne deum decretum suæ voluntatis, &c.

Ex his duobus, quorum virumque est controversum inter Doctores, primum spectat ad questionem, An est; alterum ad questionem propter quid, & quando; seu quo modo & medio est. In praesenti autem loco discutitur questione an est; quam citatus auctor, vt dixi, non sufficiens resolutum de modo autem & medio huius questionis ex instituto agemus dubio sequenti, obiret, tamen simul etiam hoc loco responsuri ad questionem

ita formata, prout ab hoc auctore proposita est.

Qua de causa notandum, minime controversum est; an Deus eiusmodi futura conditionata infallibiliter cognoscatur, ante omne decretum Dei conditionatum, sed solum ante decretum illud prædicens ac prædeterminans, quod natura ac ratione præcedat omnem determinationem causæ secundæ. Alias constat, cum in eiusmodi propositionibus conditionatis, semper supponatur conditionis alicuius existentia, quæ sine Dei voluntate & decreto saltem conditionato esse non potest; necessarium vtique esse, omnem notitiam earundem propositionum posteriorem esse aliquo Dei decreto, nimirum illo quo ponitur. Deum hanc vel illam conditionem aliquo tandem modo esse, aut permittere voluisse. Perinde enim est, si quæras, an posito quod Adamus non peccasset, filius Dei fuisset incarnatus. Item, an si Iudas cum his vel illis circumstantijs externis fuisset ad penitentiam vocatus, vt Petrus, fuisset conuersus, &c. ac si quæras, An si Deus voluntas efficaciter, vt Adam non peccaret, vel vt Iudas ita vocareretur, sicut Petrus, ea quæ diximus facta fuissent. Imo præter hoc Dei decretum, in quo luit etiam in eiusmodi conditionatis propositionibus, aliud Dei decretum conditionatum concurrendi cum eiusmodi causa libera ad hunc vel illum effectum, qui sub conditione illa prædicatur, vt recte etiam notauit Vasquez cit. disp. 67. c. 3. n. 22. His positis est.

Assertio I. Deus omnia futura contingentia absoleta, ab aeterno infallibiliter nouit. Ita S. Thomas hic q. 14. a. 13. & Doctores in 1. d. 38. & 39. & est de fide, contra Ciceronem l. 2. de diuinat. qui ut defendet fortunam, & calum, ac libertatem in hominisationibus, scientiam eiusmodi futurorum Deo denegavit, vt refert etiam & refellit S. Augustinus l. 5. de ciuit. cap. 9. & putant nonnulli, in quibus Vasquez Disputatione sexagesima quarta, numero secundo, post Ariminensem, in eodem etiam errore, fuisse Aristotelem lib. 1. de interpret. cap. 8. quem tamen alij illic recte philosophatum de futuris contingentibus sentiunt, vt dicetur dubio 6. Apertus huic errori, saltem in modo loquendi, affinis est Averroës in 1. d. 39. q. 1. a. 1. & 3. vbi docet, falsum esse dicere, *Deus distinctè & determinate nouit Antichristum fore, sed solum, inquit, nouit fore, aut non fore, disjunctè & confuse;* vbi yniuersum sentire videatur, Deum de futuris contingentibus (eo quod determinate vera aut falsa non sint) nihil aliud sciere, quam fore aut non fore disiunctè & confuse; nullam autem illius partem distinctè; eti fatetur interim, Deum omnia, quæ futura sunt, inueniri & nosse, vt praesentia, &c.

Probatur assertio aperte ex Scriptura Eccl. 23. v. 29. *Dominus enim Deus, antequam crearentur, omnia sunt cognita, & post perfectum resipicit omnia.* Rom. 4 v. 17. *Qui vocat ea quæ non sunt, tanguam ea quæ sunt.* Idem, psalmi docent SS. Patres. Ratio est evidens. Tum quia futura ista contingentia sunt cognoscibilia aliquo modo (saltem per coiecturam) etiam ab homine: ergo multo magis à Deo. Tum quia Deus horum ipsorum etiam (si bona sint) causa est per intellectum & voluntatem. Tum quia sunt determinatae veritatis, vt dicetur dub. 6. Ergo necessario cognoscuntur ab infinito intellectu, ad quem pertinet

infallibiliter cognoscere omne cognoscibile. Tum denique quia si Deus primum, postquam existunt, cognosceret illa, & non ab aeterno, iam scientia Dei, Deusque adeo ipse esset mutabilis, & non purus actus, sed mixtus potentiae passiuæ.

¹¹ A assertio II. Deus aliquo tandem modo ab aeterno nouit contingentia quedam futura conditio- nata. Ita authores secundæ, tertiae, & quartæ sententiaz; cum quibus etiam iudico assertionem hanc in his terminis non posse negari absque errore. Probatio patebit ex assert. 3.

A assertio III. Deus horum contingentium habet notitiam non probabilem tantum, sed infallibilem. Ita authores tertia & quartæ sententiaz; ex quibus itidem nonnulli recte sentiunt, oppositum esse parum tutum, adeoque temerarium; addo ego, quodam sensu, etiam erroneum. Dupliciter enim intelligi potest, Deum habere eiusmodi contingentium scientiam duxat probabilem; primo quasi ipsa Deiscientia de his contingentibus sit incerta & fallibilis; quod tunc foret, si Deus eiusmodi propositionibus absolute ac sine modificati one additæ, conjecturali tantum seu probabilitas len- si assentiretur, nimurum hoc futurum esse, si hoc fiat; & hoc non videtur sine errore Deo posse tribui: quia hoc esset Deiscientiam, Deumque ipsum, errori subiçere: si enim falli potest Deus in eiusmodi scientia; ergo nihil obstat illum aliquando re ipsa falli ac decipi: posset autem falli, si haec scientia Dei incerta solum esset, & conjecturalis. Atque ad idem propositum etiam Vasquez citata disputatione sexagesima septima, capite tertio, numero decimo ait, errorum esse in fide, scientiam Dei fallacem esse posse.

¹² Secundo, & alio modo intelligi potest, Deum de his rebus habere scientiam solum probabilem; ita, vt non assentiat eiusmodi propositionibus hypotheticis, nisi modicatis ipso modo probabilitatis addito; nimurum probabile esse hoc futurum, si hoc fieret: quo modo etiam de bonis Angelis docetur, eos non assentiri propositionibus solum probabilibus, nisi modicatis ipso eiusmodi probabilitatis modo; ita vt obiectum assensu non sint propositiones simplices de inesse, sed modales. Et hac ratione tametsi non sit tam apertus error, Deo tribuere contingentium eiusmodi futurorum conditionatorum cognitionem solum probabilem; quandoquidem hac ratione ipsa Dei scientia fallax ideo, aut incerta minime redditur; cum eiusmodi propositiones modales sint certissimæ, etiam propositio de inesse, cui additur modus probabilitatis, sit solum probabilis; vt ex dialectica constat, tamen id nec hoc quidem sensu latius Scripturæ, Patribus, & rationi consentaneum est. Siquidem Scriptura, & sancti Patres non solum tribuunt Deo de eiusmodi futuris contingentibus notitiam quasi modalem, sed simplicem; qua nimurum absolute houerit, quid tali vel tali conditione posita, futurum esset; non quid probabiliter esset futurum.

¹³ Exempla plura huius rei refert scriptura. Primum habetur libro primo Regum capite vigesimo tertio versu decimo, his verbis: *Et ait David, Domine Deus Israel, audiuit famam seruum tuus, quod disponat*

saul venire in Ceilam, ut euerat urbem propster me, si tradent me viri Ceil in manus eius? & si descendet Saul, sicut audiuist seruum tuus? Domine Deus indica seru tuo: *Et ait Dominus, descendet. Dixitque David, si tradent me viri Ceile, & viros qui sunt mecum in manus Saul? & dixit Dominus, tradeni. Vbi aperte sermo est de futuro contingente solum conditionato; quandoquidem David re ipsa nonquam traditus fuit à Ceilanis, sed solum tradendus prædictur, si in ea Urbe permaneat. Neque vero Deus respondit solum, probabile esse, Saulem descensurum, & Davidem tradendum fore; sed simpliciter ait: Descendet, tradent: quæ proinde cognitio non potuit non esse infallibilis.*

Secundum exemplum est, tertio Regum undeci mo, versu secundo, vbi dicitur: *Dixit Dominus filii Israël, non ingrediemini ad eas; neque de illis egredi enier ad vestras: certissime enim auerterent corda vestra, ut sequamini Deos carum. Vbi itidem sermo est de futuro contingentí conditionato, à Deo infalli biliter cognito.*

Tertium exemplum est quarto Regum decimo tertio, versu decimo nono. Vbi Eliæ ex diuina & prophetica scientia ad Ios Regem Israël ait: *si percuties (terrā) quinques, aut sexies, percuties Syriam usque ad consummationem. Nunc autem tribus vicibus percuties eam. Vbi iterum sermo est de futuro contingentí futuro solum conditionato, infallibiliter à Deo præcognito; etiam absque addito modo probabilitatis.*

Quartum exemplum est Sapientiæ quarto, versu undecimo. *Rspites, ne malitia mutaret intellectum eum; & ne filio deciperet animam illius: in quibus verbis includitur quoddam futurum conditionatum, à Deo cognitum; nimurum si electus ille non tempestive è viuis tollatur, futurum vt in peccatum incedat & damnetur: & tamen illud futurum erat conditionatum tantum, nunquam absolute, futurum.*

Quintum exemplum habetur Ioh. primo, versu nono. *Nisi Dominus Sabbath reliquerit nobis selen, quasi Sodoma fuissimus, & quasi Gomorrha similes essemus. Vbi prophetice, adeoque ex Diuino spiritu & praescientia prædictur, Israelitas omnino fuisse perituros, nisi Deus speciali cura aliquos reservasset, aut secundum alium sensum, nullos futuros fuissepios & electos, nisi Deus Christum & Apostolos, ex Israeli selen, in mundum misisset: & tamen fieri poterat, vt saltem per aliud decreum nihilominus saluarentur.*

Sextum exemplum habetur Ieremiæ trigesimo octavo, versu 17. vbi propheta ait: *Hæc dicit Do minus exercitum Dei Israël: si profectus exieris ad principes Regis Babylonis, vivet anima tua; & ciuitas hæc non succenderet agni; & saluus eris tu, & domus tua. Si autem non exieris ad principes Regis Babylonis, tradetur Ciuitas hæc in manus Chaldeorum, & succendent eam igni, & tu non effugies de manu eorum. Vbi vides, utrumq; contradictorium contingens à Deo certo præsum.*

Septimum exemplum est Matthæi 11. vers. 21. *Vt tibi Corozain, vt tibi bethsäida; quia si in Tyro & Sidone factæ essent virtutes, quæ factæ sunt in vobis, olim in cilio & cinere penitentiam agessent. Idem hal-*

betur.

betur Lucæ decimo, versu decimo tertio. Quem locum etiam ita declarat & expendit S. Augustinus libro secundo de bono perseuerantia, capite nono. Et quamvis Matthæi undecimo, versu vigesimo tertio in simili addatur particula forte; ea tamen non incertitudinem diuinam præscientiæ, sed solum contingentiæ effectus designat, iuxta SS. Patres, & interpres ibidem. Vide Ambrosium lib. 2. de pani tentis capite quinto. Hieronymum in illud Hieremias vigesimo sexto. *Noli subtrahere verbum, si ser te audiatur:* Augustinum, in illud Psalmi secundi Ne quando irascatur. Eusebius libro sexto de preparat. Euangel. Simile est illud Ezechiel. 3. v. 6. Non ad populum profundi sermonis, & ignota lingua tu mitteris, & si ad illos mittere sis, ipsi audirent te.

Octauum est Matthæi vigesimo quarto versu vi gessimo secundo. *Nisi breuiati sufficiunt dies illi, non fieret salua omnis caro, sed propter electos breuiabuntur.* Vnde colligitur, Christum certo cognouisse hoc futurum conditionatum, si persecutio Antichristi durarer maiori tempore, ipsis etiam Electi eius temporis desiderent & damnarentur.

Nomina est Luca decimo sexto, versu trigesimo primo. *Si Moysen & Prophetas non audiunt, neque, si quis ex mortuis resurrexerit, credent.* Quæ omnia & singula exempla rem propositam certò demonstrant.

Secundo probatur eadem assertio ex SS. Patribus. S. Gregorius Nyssenus in libro de ijs, qui præmaturè abripiuntur, ait: *Verisimile enim est, cum, qui id, quod futurum est, aquæ at præteritum cognovit, progressum vita insanti ad perfectionem prohibere, ne quod in præscientia malum animadversum est, in eo, qui ita victurus fuisset, persicatur, atque ei, qui ea voluntate, arbitrioque victurus fuisset, viri nequitiaque materia vita fiat.* In quem sensum etiam loquuntur. S. Cyillus libro tertio contra Julianum, & Augustinus libro secundo, de Bono perseuerantia, capite nono. Vbi ait: *Certe poterat illos Deus, præsciens esse lapsos, antequam id fieret, auferre de hac visa.* Vbi de ijs, qui ob infidelitatem damnantur sermo est.

Ad hæc S. Chrysostomus Homilia sexagesima quinta in Matthæum docet, S. Paulum & latronem, ideo non prius à Deo vocatos, quia præscivit ipsos tunc repugnatos vocationi. *Idcirco, inquit,* alij mane, alij tertia, alij nona, alij undecima hora vocantur, quia tunc obtemperaturi erant. *Quod & Paulus aperte significavit,* dicens: quando autem acceptaverit Deus, qui separauit me à ventre matris mee. *Quando porro Deus voluit,* quando cerè obtemperatus erat; nam ipse à primis etiam incunabulis voluisse; sed quia illum renixurum sciebat, tunc voluit, cum animum penetraturam vocationem non ignorabat. *Sic & latronem eum postea vocauit:* potuisse ante ipsum vocasse; sed vocatus ille non paruisse. Quibus verbis aperte Chrysostomus scientiam eiusmodi medium Deo tribuit. An autem ea causa recte sit assignata, cur Deus hoc vel illud disposuerit, dicetur suo loco de causa prædestinationis.

Simile quid docet S. Augustinus in libro de sex questionibus paganorum, epistola quadragesima nona, questione secunda, vbiait: *Tunc voluit Christus*

sicut hominibus apparere, & apud eos prædicare suam doctrinam, quando, & ubi sic habeat esse, qui in eum fuerant credituri. Vbi rursum indicat, præscivisse Christum, homines non fuisse credituros, si alio tempore, & alibi prædicaretur, &c. Vnde rectè generatim colligimus, Deum etiam futura eiusmodi conditionata certò, & infallibiliter cognoscere, ex mente SS. Patrum.

Item libro de corrept. grat. capite octavo dicit. Augustinus. *De his, differimus, qui perseuerantiam bonitatis non habent, sed ex bezo in malum, deficiente bona voluntate, moriuntur.* Respondeant, si possunt, cur illos Deus, cum fideliter, & pie vivent, non tunc de vita huic periculis rapiat, ne malitia mutaret intellectum eorum, & ne fictio decipiat animos eorum? *Vtrum hoc in posse habeat: an eorum mala futura nesciuit?* Nempe nihil horum, nisi perscrissime, atque insuffissime dicitur. Vbi rursum expressè docet Augustinus; Deum potuisse cognoscere peccata istorum sub conditione futura, etiam si Deus eos, priusquam peccarent, ex hac vita sustulisset.

In eundem sensum S. Gregorius libro vigesimo tertio Moralium, capite vigesimo tertio. *Sic, inquit, Deus aliquando flagellis premis, & oneribus gravatis; quia mera potentia præaudet, quod si in tranquillitate persisterent, tentationes ferre aduersarij non valentes, mentis prostrati vulneribus iacerent.* Accedit, quod sepe alijs docent, Deum ante omne decreatum ab solutum cognouisse homines huic vel illi vocationi consensuros; alios, aut aliter non consensuros.

Cuius autem miseretur, inquit. S. Augustinus libro primo ad Simplicianum questione duodecima, sic eum vocat, quomodo scit ei congruere, ut vocationem non respiciat. Et in eundem sensum de reprobis superius dixerat Augustinus; si vellet (Deus) etiam ipsorum misereri, posset ita vocare, quomodo illi aptum esset, ut & mouerentur, & intelligerent, & sequerentur. Vbi supponit, Deum circa reprobos habuisse scientiam conditionatam eius vocationis, qua & ipsi mouerentur, si Deus eos ita vocare voulisset. Et hanc congruitatem vocationis non consistere in vi quadam physica, qua physice prædeterminaret voluntatem, ut recentiores Thomistæ dicunt, indicat ipse etiam libro de Bono perseuerantia capite decimo quarto, vbiait: *Ex quo apparet, habere quodam in ipso ingenio diuinum naturaliter munus intelligentia, quo mouentur ad fidem, si congrua similitibus, vel audient verba, vel signa conficiant.* Et Ambrosius super caput nonum ad Romanos: *Ei secundum propositorum vocantur, quos credentes præcivit Deus futuros sibi idoneos; ut antequam crederent, scirentur.* Vbi de conditionata scientia loquitur. Denique communis est hæc Patrum & Scholasticorum doctrina, Deum antequam statueret hominem creare, præscivisse cum esse peccatum, si à serpente tentaretur, &c. Et quamvis hæc potissimum concernant ea, quæ re ipsa postea aliquando euenerunt, spectant tamen ad scientiam conditionatam, quam Deus habuit natura. prius, quam quidquam eorum re ipsa futurum esset, quamque adeo etiam à Deo per scientiam liberam visionis præsidentur.

Tertio probatur veritas eadem ratione. Primo. Nam & nos ipsi probabiliter multa eiusmodi futura conditionata nouimus; verbi gratia. Si amicum hoc modo ad canam initia tenuero, venier; si alio modo, non venier. Si intercessero pro hoc reo, liberabitur: alias damnabitur. Item probabiliter existimare possumus, Iudam non futurum fuisse fore ac proditorem, nisi loculos habuisset, quibus ad pecuniae cupiditatem fuisse stimulabat: hominem in paradiſo non fuisse peccatum, nisi a serpente seu Diabolo fuisse tentatus, &c. Petrum non fuisse negaturum Christum, si non fuisse ingressus impij Pontificis atrium, &c. Ut taceam, quædam eiusmodi per scientiam Theologicam certò etiam cognosci; ut est illud iuxta S. Thomam 3. p. quest. 1. art. 2. Si Adam non peccasset, filius Deinon fuisse incarnatus; & rursus illud 1. p. quest. 97. Si homo perseverasset in statu innocentia, esset immortalis. Quidni ergo Deus omnia futura conditionata infallibiliter norit? quandoquidem scientia fallax in Deo locum nullum habet.

Secundo. Ista futura conditionata sunt determinate vera vel falsa: Ergo scibilia; adeoque saltem per infinitum intellectum certo & infallibiliter cognoscibilia. Consequentia patet. Antecedens contra Auctores primæ, secundæ, & quartæ sententiae probatur duplickey. Tum quia hæc futura conditionata, supposita conditione, ad fore, vel non fore, eodem modo se habent, sicuti contingentia absolute futura, etiam seclusa conditione: sola enim conditione differunt: sed contingentia absolute futura non admittunt aliquod medium; sed altera pars est distinctè vera; altera vero distinctè, & determinate est falsa, & non altera; vel utraque indeterminate vera; vel falsa ut dicetur dubius. Ergo etiam propositiones istæ de contingentibus futuris conditionatis, sunt determinate veræ, vel falsæ. Tum quia suppositis omnibus conditionibus ad agendum requisitis, et si quidem nihilominus homo pro sua libertate possit agere, vel non agere; impossibile tamen est, ut maneat re ipsa indifferens, & ab utroque abstinenſ, ita ut nec agat, nec non agat; cum hæc sint contradictoria; inter quæ non datur medium: Ergo alterum necessarium, ac determinate re ipsa verum erit; aut actualrum scilicet, aut non actualium his vel illis conditionibus positum: id quod per eiusmodi propositiones significatur, ut inferius in solutione argumentorum dicetur.

Tertio. Postquam Deus decrevit Petrum creare, & permettere, ut in tali rerum ordine constitutus peccet; præscit absolute illum esse peccatum: Ergo antequam statuat illum creare & constitutere in tali ordine rerum, præscit, quod si crearetur, & constitueretur in illo, peccaret; quod ad scientiam conditionatam pertinet, non ad absolute visionis; quia non est de re existente, vel absolute futura; nec propriètiam ad scientiam naturalem vel simplicis intelligentiæ; quia non est de re mera possibili, sed de futura sub conditione.

Eademque est ratio non solum omnium eorum, quæ post decretum diuinum creationis, certæque

prouidentiæ ac gubernationis, ab homine libere sunt; cum vtique Deus omnia illa certo nouerit futura sub conditione, quæ postea impleta conditione re ipsa futura erant; sed etiam eorum, quæ absolute nunquam futura essent. Quod ita ostendit. Quero enim, an non sint in potentia Dei, præter eos, qui re ipsa nunc sunt, vel etiam erunt, plures, imo infiniti adhuc alii homines, quos Deus posset creare; quosque si certo quodam iphiisque accommodato vocacionis modo præuenirebant, essent consensuri, & salutem consecuturi. Certè hoc diuina potentia negari non potest: Ergo nec scientia, qua Deus ipsum certo & infallibiliter norit. Scit enim non solum omnia, quæ sunt; sed etiam quæ futura sunt, & quomodo futurasunt, &c.

Quod autem Auctores contraria sententia dicunt, hæc quidem esse futura conditionata, non autem ita contingencia, ut sint omnis necessitas physice experta; eo quod certus ille modus vocationis congrua & accommodata, ex se & sua natura, necessario, ac physice secum trahat assensum; plane falso est, ac falso fundamento nitor; ut suo loco de gratia dicetur.

Vnde quarto denique ita argumentor. Si necessario tribuendus est Deo is prouidentia modus, quo possit hominem ex intentione certo quidem ac infallibiliter, sed salua tamen etiam eius in agendo libertate, per gratiam congruam perducere ad beatitudinem; tum necessario tribuenda est Deo hæc scientia conditionata futurorum contingentium: sed antecedens est verum, ut omnes fatentur, & suo loco patet: Ergo & Consequens. Maior probatur: Quia stante hac scientia conditionata futurorum contingentium, optimè & facilime explicatur, quomodo Deus per gratiam congruam libere & infallibiliter perducat hominem ad consensum, & beatitudinem, ut inferius dicuntur dubio vñdecimo, & questione decima, dubio octavo; sine hac autem necessario deueniendum est ad eum modum gratie congrua afferendum, quo voluntas physice prædeterminetur, ut omnes authores oppositæ sententiae, recentioresque Thomista faciunt; quem tamen non bene cohærente cum libertate hominis inferius citata quæstione vñdecima, dubio primo, fuitus dicitur. Est ergo hæc scientia conditionata in Deo necessario constituenda. Et hoc ipsum est, quod authores illi tertia sententia recte dixerunt, eam esse necessariam ad p̄cipiendam concordiam gratie cum libero arbitrio, ad conciliandam inter se Patrum dicta, ad intelligendam distinctionem gratiae in efficacem & sufficientem, ad demonstrandam infallibilitatem diuinæ prædestinationis.

Assertio IV. Deus habet scientiam infallibilem omnium eiusmodi futurorum contingentium sub conditione; etiam si absolute nunquam futura sunt. Hæc est mens auctorum, quos pro tertia sententia citauimus. Ratio est. Quia est eadem ratio omnium: si enim aliqua sub conditione contingenter futura novit, cur non omnia pariter ita futura nouerit: modo revera sub conditione

determinatē futura sīt; quod neque authōres quartā sententia negant; cum fateantur se non negare Deo scientiam futurorum conditionatorum; sed eorum tantummodo, quā cū nullo modo futura sīt etiam ex hypothesisi, asseruntur esse futura conditionata: quanquam eo ipso, quod multa negant sub conditione futura, quā nos futura dicimus, assertioni huic re ipsa aduersari coguntur.

Hoc solum obserandum, hypothesisi, quā in antecedenti ponitur, non debere abstracte & quasi solitariē accipi, sed cū respectu ad determinatum subiectum, & secundum omnes conditio-nes, à quibus prædicatum dependeret. Nam si infinite dicas; Homo si hoc vel illo vocationis modo vocabitur, consentiet; non habet definitam & determinatam veritatem; cūm ex hominibus alli qui faciēt sīt cōsensuri, alij nō consensuri. Quare nec à Deo hoc modo, prout in abstracto infinite ponitur, cognoscetur. Eodem modo si dicas, Iudas si fūisset ob furum cum Christo crucifixus, confessus fūisset Christum & saluatus, sicut latro cum eodem crucifixus; subintelligendum est, si vti cū latrone accidit, rationis compos, ea signa vidisset, quā latro vidit, aut saltē recoluisse ea, quā ante viderat, &c. Et ita in similibus ratiocinandū; quia cū causalitas & connexio prædicati cū antecedente conditione, non sit nisi in parti-culari, & cū determinatis conditionib⁹, donec ad has descendatur, aut saltē sub vna reliqua subintelligantur, non potest cognosci determinatio futura causa liberæ, vt bene etiam notauit Suarez cit. opus. 2. lib. 2. c. 6. num. 4.

²² **Affirmatio V.** Deus cognoscit eiusmodi futura conditionata, non solum in quibus conditio est causalis, vel necessariò presupposita, sed etiam in quibus est disparata; modo prædicatum re ipsa cum ea sit connexū, ipsaque adeo conditio adæquate, & cū respectu ad ceteras conditiones, quibus cū connexa est, accipiatur. Ita sentio cum Suarez lo. cit. et si aliter, vt dictum. Probatur & declaratur. Quia copula si in eiusmodi propositionibus, duplicitate accipi potest. Primo illatiue propriè, vt nimur ex vi conditionis talis re ipsa sequatur, aut inferatur hoc prædicatum; & hac ratione futura eiusmodi conditionata, seu potius propositiones illæ, in quibus conditio est disparata, non sunt vera, nec adeo sic cognoscuntur à Deo. Secundo accipi potest concomitanter, quā per modum aduerbi temporis, seu quatenus præcē significat connexionem, seu concomitantia consequētis cū antecedente, ita vt nil aliud significetur huiusmodi propositionibus, quam cū hoc erit, sive hoc existēre, vel supposito, erit & illud; & in hoc sensu verum habent sensum propositiones illæ, si modo consequens cū antecedente re ipsa sit connexum, ipsaque conditio, sive antecedens, adæquate, cetera quā requiriuntur, subintellectis, accipiatur.

Ponamus enim v. g. studiosum aliquem in Hispaniā ad disputandum publicē paratum, ac destinatum, cum alio studio sponsonem fecisse, se non disputaturum nisi eo die, quo Ro-

mæ pluat, seu quod idem est, futurum, vt Romæ pluat, eo ipso die, quo Salmantica disputabit, id si vere futurum sit, verē de se dicere poterit; Ego Salmantica disputabo, si Romæ pluat: nec minus verē de ipso alij dicere poterunt; Hie Salmantica disputabit, si Romæ pluat. Idem fere est, si quocunq; modo futurum ponatur, vt Romæ pluat, cū Petrus Ingolstadij disputabit. Verē enim, licet minus proprie, dici poterit; si Romæ pluat, Petrus hic disputabit, nec alius est eius propositionis sensus, quam pluvia Romæ existente, sive cū Romæ pluet, Petrus hic disputabit. Exemplum habemus in Scriptura. 4. Reg. 13. vīrl. 19. vbi Eliseus ad Ios Regem Israei ait, si percussis (terram) quinques, aut sexies, percussis Syriam usque ad consummationem. Num autem tribus vicibus percuties eam. Vbi quidem sane percussio illa sapius iterata, neque erat causa percussoris frequentioris, neque per se ac ex natura rei præsupposita, sed plane disparate? quia tamen ex vi decreti divini futurum erat, vt sapius vincet Ios, si sapius percuteret terram, recte id à propheta dictum est; etiamsi causa hæc connexionis utriusque evenitus non fuerit expressa; subintelligi enim debet:

²³ **Affirmatio VI.** Ad notitiam eiusmodi conditionatam, per se ac vniuersem non præsupponit decretum in Deo, sub conditione simpliciter & absolutè prædefiniens, quod tale quid sit futurum, adimplēta conditione; sed pleraque ex his cognoscuntur sine prævio eiusmodi decreto prædefiniens. Ita Molina, Suarez, Vasquez, Albertinus, & fere omnes autores tertiae sententiae superioris relati, contra authores quartæ sententiae, & recentiores Thomistas omnes; qui huc ad quemlibet effectum causse secundæ absolute futurum prærequiriunt eiusmodi prædefiniens decretum, sine quo aiunt nihil posse fieri, nec vla omnino propositionem de futuro contingentí esse determinatē veram, aut falsam; ita etiam ad effectum sub conditione futurum requirunt eiusmodi prærium decretum, saltē conditionatum, vt dictum. Sed nos contrario fundamento nitimur, quod questione 10. probabitur: Nimur nec ad absolute quidem futurum eiusmodi effectum, requiri decretū eiusmodi prædefiniens, seu prædefinitionem absolutam, quā Deus simpliciter & absolutè statuerit eum producere, vel ad eum concurrere; sed sufficere conditionatum decretum ad cū concurrendi, si se causa secunda ad eum determinauerit: esto nonnunquam ratione certa materia, vel in particulari casu, quippiam. **D** e **v**s ita prædefinierit, non tam ex necessitate & iuxta exigentiam ipsius per se, effectus, sed ob maiorem sua prouidentia perfectionem, etiam salua libertate ipsius cause secundæ.

Et ratio breviter est. Quia ad hoc, vt causa secunda possit agere, plus non requiriatur, quam vt eadem causa secunda, in actu primo, sit sufficenter instructa, ad eum effectum,

Deusque ipse per modum causæ primæ, paratus sit concurrere ad cundem: at hoc esse & fieri potest, etiam si Deus eiusmodi effectum absolu-
tè non prædefiniat; modo paratus sit concurre-
re si causa secunda se determinet. Ergo, &c.
Maior probatur, quia ad ipsum effectum, & acti-
onem causæ secundæ plus non requiritur, quā vt
& ipsa in effectum influat, & causa prima debi-
tum etiam concursum præbeat: Ergo vt possit a-
gere in actu primo, sufficit & vis ipsius actiua in
actu primo, & paratus concursus causa primæ.
Accedit quod vbi de peccatis agitur, nec potest
quidem Deus absoluto decreto statuere & præde-
finire, vt sint, aut futura sint peccata, aut pecca-
torum actus: Et esto, prædefinire possit eorum
permissionem; ex hac ipsa tamen non infallibili-
ter sequitur in particulari hoc vel illud peccatum,
ac proinde nec in eo permissionis decreto cognosci
poterit futurum peccatum, vt dub. 7. dicemus.
Quod autem oppositæ sententiae autho-
res ad actionem & effectum quælibet causæ
secundæ requirunt quoque externam eius præde-
terminationem, id inferiusq. 11. dub. 1. refutabili-
mus, vbi docebimus, eiusmodi prædeterminationem physican pugnare cum libertate causa se-
cundæ.

25

Affertio VII. Scientia hæc diuina futurorum contingentium, propriè & strictè loquendo, tam à scientiâ liberâ visionis, quam à necessariâ simplicis intelligentiæ ratione distincta est; ac proinde recte scientia media dicitur. Hæc affertio ad modum loquendi pertinet; de quo esti non sit magnopere contendendum, siue quis eam scientiam hoc, siue alio modo, ex dictis, velit appellare, vt supra authores variè loquentes retulimus; in omni tamen sententia admitti debet, eam à scientiâ visionis & simplicis intelligentiæ, si strictè accipiuntur, distingui; esto possit vtraque etiam italate accipi, vt eam scientiam conditionatam, seu futurorum contingentium conditionatorum complectatur. Scientia enim visionis, vt ex sancto Thome dictum dub. 3. propriè & strictè non est, nisi rerum actu quandoque existentiū; quæ proinde toto suo genere libera est in Deo; scientia quoque simplicis intelligentiæ solum est de rebus consideratis secundum eis possibile; quæ proinde non solum ex genere suo, sed etiam respectu particularis cuiusq; obiecti est necessaria in Deo: scientia autem hæc conditionata, de qua loquimur, nec est rei actu quandoque existentis, vt talis est; qua de causa etiam ex suo genere necessario est in Deo; neque est rei solum spectata secundum esse possibile, siue secundum esse essentiæ, sed etiam secundum esse existentiæ contingens; non quidem absoluta, sed conditionata: qua de causa etiam libera quodammodo est respectu particu-
laris cuiusque obiecti; potuit enim non esse in Deo, si causa ipsa secunda libera, à qua effectus hic dependet, sicut absolute poterat, oppositū fuisse factura. Quæ cū ita sint, iure merito hæc scientia, vt pote de vtroq; extremo participâ, vt dictū, & nec tam necessaria, quam scientia simplicis intelligentiæ, nec tam libera, quam visionis; dici potest media; quicquid Zumel & Thomistæ re-

centiores repugnant: cum interim nec ipsi possint negare, adesse fundamentum sufficiens distinguendam ab vtraque scientiâ, tam visionis, quam simplicis intelligentiæ, si vtraque hæc propriè & strictè accipiatur, vt dictum.

Sed contra doctrinam hactenus traditam, ac præcipue contra ipsammet scientiam conditionatam, seu medium obijciuntur varia. Primum est, quod SS. Patres nonnulli videntur aperte hanc scientiam conditionatorum contingentium rej-
cere. S. Augustinus lib. 1. de prædestinat. Sanct. cap. 14. contra Massilienses, inquit, *Dictum est* (Sap. 4. Raptus est, &c.) *Secundum pericula vite huic, non secundum præscientiam Dei, qui hoc præscivit, quod futurum erat; non quod futurum non erat, &c.* Etlib. 1. de animâ, & eius origine cap. 12. *Ipsa exinanitur præscientia omnino, si quod præscitur, non erit. Quomodo enim dicitur præsciri futurum, quod non est futurum?* Et in eundem sensum S. Prosper epif. ad S. Augustinum contra Semipelagianos. seu Massilienses: *Sed in tantum, inquit, quibuscumq; commentijs meritis electionem Dei subiiciunt, ut quia præterita extant, futura quæ non sunt futura, configant, non quoque apud illos absurditatis genere, & non agenda præscita sunt, & præscita non acta sunt.* Similia contra Arianos, qui & ipsi quoque scientia conditionata abutebantur ad suum errorem stabilendum, habet Alexander Episcopus Alexandrinus in epistola ad Alexandrum Episcopum Constantopolitanū, quæ habentur in Concilio Niceno.

Respondetur, S. Augustinum, & Prosperū rej-
cere, ac damnare in Massiliensib; eiusmodi scientiam media futura cooperationis, quæ fuerit cau-
sa & ratio, cur aliqui eligerentur ad fidem, & fidei sacramenta; alij rejicerentur: ac simul cum negant, præsciri quod futurū non est, &c. aperte loquitos de scientia Dei absoluta; qualis ad verā meriti, vel demeriti imputationē requiritur; quæ vtique præuisso euenter nunquam frustratur. Et quamus Massilienses de conditionata solum scientia loquerentur, recte tamen illi, & iuxta subiectæ materia exigentiam, ad præscientiam abso-
lutam transitum faciunt; hac ratiocinatione raci-
te supposita; si præscientia operum quicquam ad hoc conferret, vt Deus aliquibus fidem aut fidei sacramentum tribueret, alijs negaret; tum sane ea præscientia deberet esse absoluta, qualis suo euenter frustrari absurdum est: conditionata e-
nim illa scientia, seu etiam opera ipsa sub condi-
tione præsita, quæ nunquam erunt, nunquam possunt ad verum aliquid meritum vel demeritum imputari. Alexander autem solum rejicit præscientiam conditionata operum bonorum, quæ fuerint causa cur **CHRISTVS**, seu filius Dei, est efflat filiatione adoptiva à **DEO** donatus. Neque nouum est, hereticos bonis etiam sub-
inde principijs abuti ad suos errores stabilien-
dos: sicuti Lutherani ex eo, quod Christus mer-
itus est omnibus vitam eternam, inferunt bona opera non esse necessaria, nulla esse merita no-
stra, sufficere solum fidem. Calviniani ex præ-
scientia **DEI** absoluta, inferunt necessitatem
absolutam, & negant liberum arbitrium.
&c.

Secundo

Secundo obiectum. Nihil est scibile nisi aliqua necessitate necessarium, sed ante omne decretum diuinæ voluntatis, non est aliquā necessitate necessarium, etiam necessitate consequentiæ, quod Petrus positus in talib⁹ circumstantijs, & cum talibus auxilijs, non applicantibus efficacitatem voluntatem ad conuersiōnem, infallibiliter conuertatur: Ergo non est scibile etiam à Deo, quod conuertetur. Minor probatur, tū autoritate Aristotelis 1. i. de interpret. c. 8. vbi docet, propositiones de futuro contingentē secundū se non habere determinatā veritatē, aut falsitatem; quia contingens in quantū contingē se habet omnino indiferenter ad vtrumlibet. Idem docet S. Thomas 1. p. q. 14. a. 13. vbi ait, contingē, vt est in sua causa, consideratur vt futurū, & vt contingens nondum determinatū ad vnum; q̄a causa contingē se debet habere ad opposita; & sic contingens non subditur per certitudinem alicui cognitioni; vnde qui cinq; cognoscit effectū contingētē in causa sua tantum; non habet de eo nisi coniecturalem cognitionem. Idem docet q. 57. a. 3. & q. 88. a. 3. & 4. & 16. de malo a. 7. Accedit ratio. Nam impossibile est, vt aliquis effectus sequatur necessariō, necessitate consequentiæ, seu necessitate infallibilitatis, ex causa defectibili & impedibili per concursum aliarum causarum; nisi talis causa determinetur ad talem effectum ab aliā causa superiori, quē deficere non possit, nec impediti per alias causas: sed Deus non determinat causas defectibiles ad particulares effectus, nisi per decretum suę voluntatis: Ergo ante huiusmodi decretum, non est necessarium necessitate consequentiæ, sive necessitate infallibilitatis, quod voluntas creata, quæ ex sua natura defectibilis est & impedibilis, consentient. obiecto sibi proposito, si constitutatur in talibus circumstantijs.

Respondeo; Maiores esse veram, loquendo de scibili scientifice, quod nempe ad scientias pertinet; falsam, si vniuersaliter accipiatur de, quo quis particulari scibili: infinita enim à Deo, nobisque ipsi scientur, quæ tamen non sunt necessaria, seu infallibilia, nisi ex suppositione ipsius scientiæ, aut existentia, seu futuritionis. Videmus enim, & scimus infallibiliter Petrum ambularem, stantem, cum ambulat, stat, &c. & tamen Petrum ambulare non est necessarium. Ita etiam Deus omnia contingentia absolutè futura prænouit, quæ tamen non sunt futura necessario, nisi ex suppositione ipsius futuritionis, sive scientiæ; & hanc ipsam necessitatem infallibilitatis, nimirum ex suppositione ipsius determinata veritatis, seu futuritionis, seu etiam ipsius scientiæ diuinæ, habent omnia futura contingentia tam absoluta, quam conditionata. Nam polito, quod semel sunt determinata futura, fieri nulla ratione potest, vt non sint futura; adeoque sunt infallibiliter futura, sive absolute, sive sub conditione. S. Thomas autem solum docet ista contingentia non posse certo cognosci in sua causa; quod cum verum sit, vt sequenti dub. dicetur, repugnat his ipsiis autorib⁹, qui hoc obijcunt. Nā si causa ipsa ad vtrumlibet se habet; ergo nulla est præsumptio absoluta effectus, aut saltem.

nulla prædeterminatio physica causa secundæ: cū vtiq; causa physicæ iam aliunde prædeterminata, non se habeat indifferenter ad vtrumlibet, vt alibi fatus dicetur. Aristoteles autem fatus est, aut eodem sensu accipiens, vt dicetur dub. sequenti.

Obiectum tertio. Si eiusmodi propositiones conditionales essent vera, essent etiā bona & consequentiæ; q̄a omnes istæ propositiones simul sunt etiam consequentiæ; & veritas earū id est, quod bonitas consequentiæ, vt docent dialektici, & S. Thomas 1. p. q. 44. a. 1. ad 2. & q. 1. de potent. a. 6. ad 3. sed nō sunt bona consequentiæ: tum quia non sunt necessaria; cum tamen omnis bona & formalis consequentiæ sit etiā necessaria: in quē sensum etiam S. Thomas opus 48. trac. de enuntiat. c. 14. docet, omnē conditionalē verā esse necessariam; & omnem falsam esse impossibilem; ac proinde nullam contingentem. Tum quia in eiusmodi propositionib⁹, consequens non est scibile in antecedente, vti sit in bona consequentiæ. Tum quia in bona consequentiæ non potest antecedens esse verum, & consequens falso; quod hic accidit.

Respondeo, bonitatem consequentiæ duplē esse, formalē vnam, de qua procedit obiectio, cum adductis probationibus; qualem fatemur nō conuenire huiusmodi propositionib⁹. Altera est bonitas consequentiæ alicui⁹ solū particularis, & quasi materialis; quæ nimirū solūmodo nititur particulari confectione consequentis cū antecedente, ex propria subiecta materia conditione, & habitudine desumpta: in quib⁹ proinde etiam particula si non tam illatiū, quam concomitanter accipitur. Et hæc sufficit in his propositionib⁹, alioquin omnes istæ propositiones erunt falsæ, quas quotidie formamus: si veneris ad me, si pro me apud Regem intercesseris, dabo tibi equum. Si fuisses heri mecum, impetrasses munus postulatum. &c. Neq; de his consequentijs procedunt adducte probationes; sed de propositionib⁹ conditionalib⁹ scientificis, & vniuersalibus, quales in scientijs vñsi esse possunt, vt recte Vasquez n. 25. Ad horū autē, de quibus agimus, veritatē & bonitatē sufficit, vt significata per eas concomitantia consequentis cū antecedente sit à parte rei, atq; adeo hic & nunc posito in Esse antecedente, ponatur consequens, etiam si liberè pónatur & contingenter.

Possunt tamen eiusmodi propositiones hypotheticæ, si quidē, antecedēt earū nō absolute, & nudē secundū se, sed respectuē, & vt ex suppositione conexū est, cū consequēte, accipiatur, redigi etiā in consequentiæ formales; quo casu & consequentiæ ipsæ erūt necessariae, & cōsequēs nō min⁹ habebit infallibilitatis necessitatē, & hypotheticā, q̄ antecedens; neque etiā stante veritate antecedentis, & in sensu cōposito vñquā poterit cōsequēs esse falso. Ut si dicas quādocunq; duo sunt cōnexa, tūc cūvñ eorū erit, etiā alterū erit: sed ista duo, vide-licet antecedēs & cōsequēs, sunt, & supponuntur in re cōnexa. Ergo cū aliqd eorū erit, etiā alterū erit. Atq; si hoc modo antecedēs accipiatur, prout in se cōnexus est cum consequēte, & nō absolute secundū se tantū, tunc potest qđem ipsum etiā esse medium cognoscendi consequēs; sed ipsa tamen connexio aliunde debet esse perspecta.

Obijicitur quartò. Deus ante omne decretū sua voluntatis, nō scit quot homines, vel Angelos es-
set producturus, si crearet alium mundū: Ergo si-
militer ante idē decretum non scit, quot actū, vel
quales eset producturus quilibet homo, si creare-
tur & constitueretur in tali ordinē rerū. Respōdeo,
negando cōsequentiā; & rationem, omissis varijs,
quas alij assignant, hanc reddo; quia implicat, vt
Deus ante decretum suum, prēdeterminans quic-
quā ex ijs, quā ab ipso solo pendent, operetur ad
extra; vel vthorum fiat quicquam, aut futurū sit,
ante decretum eiusmodi diuinum: sed nil obstat,
quo minus libera creaturā operetur, ante decretū
diuinū prēdeterminans, vt superius dīctū. Iā autē
creare Angelos, aut nō creare, etiam posito quod
Deus crearet alium mundū, penderat solo de-
creto Dei prēdefiniente; ante quod neutrum de-
terminatē futurum est.

33 Dices; saltē si Deus crearet alium mundū huic
similē, adeoq; simul cum Angelis, tūc certū etiam
aliquem Angelorum numerū creatorus eset; v.g.
aut mille tantū; quo factō cū interhac duo cōtra-
dictoria non decur mediū, alterutrū necessario ex
ea conditione futurū eset: Ergo Deus tunc saltem
nosse deberet alterutrū determinatē, millē tan-
tū an nō tantū mille creaturā eset ex ea hypothesi.
Respondetur, negando consequentiam; quia nec
tunc quidē ex ea conditione alterutrū determina-
tē futurū eset; sed indeterminate alterū: sicut n.
posito, quod crearet mundū, à solā ipsi⁹ voluntate
penderet, simul etiā Angelos creare, vel nō creare;
ita quoq; si crearet Angelos, ab eius solius volun-
tate & decreto penderet, tot numero Angelos cre-
are, vel plures. Quocirca propositiones eiusmodi
continent antecedens planē abstractū & indefinitū
respectū consequentis; quo casu iam superius
asser. 4. dīctum, eiusmodi ppositiones à Deo non
cognoscī; qā reuera consequēs ex tali conditione
determinate nec futurū, nec nō futurū est. Perin-
de est enim dicere; si Deus crearet aliū mundū,
crearet Angelos, aut crearet mille tantum; aut non
tantum mille; ac si dicas; si Deus de nouo crearet
hominem aliquem in abstracto, tum is foret salu⁹,
aut habiturus eset has vel illas operationes &c.
quod à Deo scīt ibidem negauimus. Quod si in
propositione illā; si Deus crearet alium mundū,
crearet tot Angelos, &c. antecedens tacitā qua-
dam subintellecōne compleatur, adeoq; non ita
nudē planē & inadāquatē, sed cum respectu ad ip-
sum decretum diuinum, cum quo re ipsa necessari-
o coniunctum foret, accipiatur; tum vtique etiā
à Deo infallibiliter cognoscetur. Erit enim tunc
iste sensus; si Deus crearet mundū, simulque, vti
necessariō eset futurū, certum numerum Ange-
lorum & hominum prāfisiſſet, sciret vtique quot
homines, vel Angelos eset producturus. Ut pro-
inde in genere, & quoad formalem quasi rationē,
& doctrinam, inter futura contingentia, respectu
Dei, & hominum, seu creaturarum; eorumque
scientiam, nulla sit differentia; si modo compa-
ratio debito modo instituatur.

34 Obijicitur quinto. S. Thomā, aliosque Theo-
logos duo tantum membra diuinæ scientiæ affig-
nasse; sub quorum neutro tamen hāc conting-

tium futurorum sub conditione comprehenditur,
si stricte & proprie loquamur; signum ergo est,
ab eis non fuisse agnitam. Responderi potest
primō, negando consequentiam. Quia diuina
illa respexisse illi videntur solum ad obiecta
absoluta, non conditionata; cum tamen interim
negari non possit, eos pro occasione passim & ag-
nouisse, & docuisse scientiam etiam hanc condi-
tionatam, si de re ipsa loquamur: nisi quis adeo
iniquus erga illos esse velit, vt existimet, eos non
intellexisse, aut sciuisse, quae in scripturis, & Pa-
tribus, adeo manifestē sunt tradita, vt vidimus.
Accedit, quōd nec Thomista quidem recentiores
hoe tempore absolutē negare audent, Deum eius-
modi futura conditionata scire; cum saltē fate-
antur scire, post decretum suū illud prēdeterminans;
& tamē hāc ipsa notitia æquē parū sub duobus
illismēbris scientiæ diuinæ comprehenditur,
quam si abī; eo decreto diuino prāſarentur, vt
ex dictis colligi potest. Respōdeo secundō, S. Thomā,
& Scholasticos veteres, scientiam hanc me-
diā comprehendisse, vel sub scientia visionis, vel
simplicis intelligentiæ, prout etiam in Theolo-
gi aliqui ad vnam ex his eam reuocant, vt superi⁹
dīctum. Interim non obstat, maioris claritatis &
perspicuitatis causa, & ad omnē æquivalētiā tollendam, eam proprio vocabulo scientiam mediā
dicere; cū & alij termini disciplinae causa à Theo-
logis, aliosque scientiarum tractatoribus successi-
uē plures sint inueni: quicquid Zumel loc. citat.
sine causa eam scientia media appellationem acrius
perstringat.

DVBIVM VI.

*Quaratione Deus cognoscat futu-
ra contingentia; an mediate in
se ipsis, vel in causis eorum; velex
realē eorum præsentia ab aeterno.*

Ad S. Thom. 1. p. q. 14. a. 13.

Expeditā quæstione An est, de cognitione fu-
turorum contingentium; sequitur vt explicem-
mus etiā quæstionem propter quid, eo modo,
quo in actib⁹ diuinis ratio agendi, siue propter
quid locū habere potest. Et vero cum multa sint,
de quibus quāri potest, an sint ratio quādam cog-
noscendi futura contingentia, nimis. 1. ipsa fu-
turitudo, seu veritas ipsorū futurorū contingentiu⁹.
2. causæ eorumdem. 3. realis eorum præsentia ab
aeterno. 4. Deus ipse, & quidem sub varia ratione
cadē repræsentans; siue per modum ideæ, aut
causa, siue vt in decreto diuinę voluntatis; de qui-
bus singulis varijs sunt Doctorum sententiaz; id-
circo de his omnib⁹ sigillatim agendum est: &
hoc quidem dubio, de tribus illis rationibus huius
cognitionis, quas nonnulli extra Deum ipsum
pro ratione futura cognoscendi assignant; seque-
ti vero dubio de quarto, qui est Deus ipse. Et quia
eadem ratio est in præsenti futurorū contingentium
absolutē, & sub conditione, de utrisque sim-
mul agendum est.

Obser-